

許大真人序

自斗姆從西竺國靜怡以來修元始大道以金蓮九苞化生九
子主持造化掌握陰陽其爲天之樞紐人之司命此理渾然未
傳下世至永壽元年太上化身坐玉局授天師北斗秘訣下方
始知人有斗爲之主持此理又未透徹迨漢明帝在崑崙山遇
斗姆化身開方便門說北元統章一星吐一理一元演一道後
世方知七元各有所掌九皇各有所拜及諸真無法度人又從
斗中精微之理闡出拜斗之法七十二家或爲奇門或爲默朝
或爲運用或爲唱念等類皆未吐出天機使人各授而行死而
後已若夫筆錄與梵音二斗一以降性一以觀光自青田刪亂
道藏輯要

九皇新經註序

三

斗集三
×川×

將梵音之字音失真將筆錄之符訣失形遂有顛者顛而魔者
魔何益之有哉惟吾玉清內相廣化度人之純陽子爲度盡凡
夫之念不得遂設法闡教奈煩臨乩於巳酉年四月演九皇新
經內寓本命斗訣僅以引証未曾講明今又於巳未歲九月復
演註解以本命斗訣闡出所以然之理功夫効驗無不指點使
門下各認本命依訣而行七日頓見本命星官降駕何災不滅
何福不臻此亦千古難遇之奇緣也如所演五仙等訣吾不必
復贊且聊爲眾善誠信畧敘斗法一端以爲萬世鑑之